



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq nr. 01.31.06/07-00279 pillugu ulloq 3. oktober 2007-imi aalajangiinera pillugu Naalakkersuisunut ilisimatitsineq.
(Naalakkersuisut ulloq 28. september 2007-imi aalajangiineranni imm. 2b)

Aningaasaliissutinik kontomi pingaarnermi 87.72.13 Immikkut ittumik iluarsartuussineq, suliassanut aalajangersimasunut atugassanngortitsinissaq

Naalakkersuisut **inassutigaaat**,

- kontomi pingaarnermi 87.72.13 2007-imi immikkut ittumik iluarsartuussineq, aningaasaliissutit suliassanut nr. 020.31.007 Iluarsaaneq B-753, B-754 & B-793, Qaqortoq, 8.500.000 koruuninik qaffanneqassasut, suliassanut nr. 020.97.153 Iluarsaaneq B-176, B-210 & B-211, Qaqortoq, 4.000.000 koruuninik qaffanneqassasut, suliassanut nr. 080.97.012 Iluarsaaneq B839, B-840 & B-965, Sisimiut, 5.000.000 koruuninik qaffanneqassasut aamma suliassanut nr. 996.97.148 Iluarsartuussineq, sumiiffiit assigiinngitsut, 2007, 17.500.000 koruuninik appartinneqassasut.
- kontomi pingaarnermi 87.72.13 2008-mi immikkut ittumik iluarsartuussineq, aningaasaliissutit suliassanut nr. 020.31.007 Iluarsaaneq B-753, B-754 & B-793, Qaqortoq, 3,3 mio. koruuninik qaffanneqassasut, suliassanut nr. 020.97.153 Iluarsaaneq B-176, B-210 & B-211, Qaqortoq, 12,3 mio. koruuninik qaffanneqassasut, aamma suliassanut nr. 996.97.149 Iluarsartuussineq, sumiiffiit assigiinngitsut, 2008, 15,6 mio. koruuninik appartinneqassasut.

Aningaasaqarnermut Ataatsimiititaliap oqaaseqaatai

Kontop pingaarnep 87.72.13-ip, Immikkut ittumik iluarsartuussinermut tunngasup, ataani suliassat ataatsimoortut, sumiiffinni assigiinngitsuni iluarsartuussinermut tunngasut inissisimapput. Aningaasat taakku Qaqortumi Sisimiunilu inissianik iluarsartuussinissanut aalajangersimasunut atugassanngortinneqarnissaat qinnutigineqarpoq.

Qaqortumi suliassanut piffissalersuutissatut naatsorsuutigineqartumi aningaasaliissutit 2007-imi 8,5 mio. kr.-inut 2008-milu 3,3 mio. kr.-inut avinneqarsimasut Aningaasaqarnermut Ataatsimiititaliamit maluginiarneqarpoq. Sanaartugassap suliariumannittussarsiunnissaa 2007-imi oktoberip qiteqqunnerani pissasoq naatsorsuutigineqarpoq, taamaalillunilu sanaartorneq 2007-imi decemberimi aallarnisarneqarsinnaassalluni. Taamaattumillu 2007-imi aningaasaliissutigineqartut ilarpassuisa atorneqanngitsoornissaat, tassungalu taarsiullugu Sanaartornermut Iluarsaanermullu Aningaasaateqarfimmi uninngaannartussanngorlugit nuunneqarnissaat ajoraluartumik ilimanaateqartoq oqaatigineqartariaqarluni. Tassunga atatillugu 2007-imi aningaasanut inatsisissatut siunnersuutip aappasaaneerpeqarnissaanut isumaliutissiissummini ataatsimiititaliaq aammaarluni ima kaammattuuteqaqqimmat Aningaasaqarnermut Ataatsimiititaliamit eqqaasitsissutigineqassaaq:

”Kaammattuut nr. 7

Aningaasat Sanaartugassanut Iluarsagassanullu Aningaasaateqarfimmi atorneqaratik uningaannartussaasut ilisimagaluarlugu aningaasanik qinnuteqartoqartaqqunagu sanaartugassanut aningaasaliissutinik atuinissamik piviusorsiortumik missingersuusiortarnissamik qulakkeerinninniarnerminnik Naalackersuisut ingerlatsiinnarnissaat Aningaasaqarnermut Ataatsimiititaliamit kaammattuutigineqarpoq.”

Tamanna tunngavigalugu sanaartugassatut pilersaarummut aningaasaliissutinik 2007-imi 2008-milu atuinissatut naatsorsuutigisat pillugit paasissutissanik sukumiinerullutillu immikkuualunnerusunik nassiusseqqullugit Naalackersuisut qinnuigineqarput. Tassunga atatillugu missingersuusiorneq Aningaasaqarnermut Ataatsimiititaliap kaammattuutaanut naapertuunnersoq paasissutissiissutigineqassasoq kissaatigineqarpoq.

Naalackersuisut allattoqarfianni sulisut sulinngiffeqartut akornanni aningaasaliissutinik suliaqarnermi ataqatigiissaarisooqannginera pissutigalugu suliassamut aningaasaliissutinik, siusinnerusukkut kukkunikkut nuunneqarsimasunik, aningaasaliissuteqaqqinnissaq qinnuteqaat matumani pineqartoq aqutigalugu qinnutigineqaqqittoq ataatsimiititaliap iluarinngeqalugu maluginiarpaa. Naalackersuisut allattoqarfianni sulinngiffeqartoqarnerani suliassanik allanut tunniussisarnermut periutsinik aalajangersaasoqassasoq Aningaasaqarnermut Ataatsimiititaliamit **kaammattuutigineqassaaq**, taamaalilluni kukkunerit taamaattut siunissami killilersimaarneqarsinnaaqqullugit.

Aningaasaqarnermut Ataatsimiititaliap inassuteqaataa

Ullumimit ullut suliffiit 14-it qaangiutsinnagit apeqqutinik siuliani allassimasunik Naalackersuisut kalaallisut danskisullu aammalu qarasaasiakkut uunga nassiussillutik akissuteqarnissaat **tunngavissaatillugu** Naalackersuisut inassuteqaataat Aningaasaqarnermut Ataatsimiititaliamit **akuersissutigineqarput**: nch@gh.gl.

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua